

四庫全書

集部

欽定四庫全書

兩宋名賢小集卷二百八十七

宋 陳思 編

元 陳世隆 補

薛嵎

嵎字仲止號雲泉世家永嘉之廉邨負才不遇以詩
聞於時所居曰漁邨有漁邨名自我之句題詠頗多
晚年買山范灣營藏地有詩云不知筋力何年盡看

到松杉幾尺長佳句也

山中吟

疎拙本天性束書歸舊林世人皆失笑泉石自知心
山柿紅猶溢池魚靜亦沉於中觀物意吾道樂彌深

題扶疎亭竹

風晴雨雪天無趣不蕭然影過鄰家月根通石下泉
長因終日看憶得故山眠物性今方會心虛節自堅

歲暮書懷

園林春又近老態更無懽添歲兒童喜照貧燈火寒直
心嗟道喪多事識才難已種梅千樹從今爛漫看

賦中上人頑坐

取貫休覓句
如頑坐句

嗜吟忠夜凍立雪此同機工若精靈聚毫端造化歸石
牀趺半結荒徑葉頻飛客至應相訝無心聽扣扉

賦陳子在瓢飲

羨爾甘貧居陋巷遙知清德繼前修平時所樂從中得
外物雖微不過求自枕曲肱安澹泊閒挑拄杖亦風流

百千年內誰相望寂寞箕山一許由

舟泊曹娥祠下

身沒一朝事孝名垂至今江空夜濤泣日落霧天陰社
祭陳蕭鼓鑾歌進寶琛予生無愧作風浪不驚心

旅中秋夜

車馬日西東阮生途自窮三年辭舊國今日又秋風邊
雁淒涼過池花寂寞紅邦人慣相識漸覺語音通

送劉荊山

東書入金闕憂國最情深天意有興廢人才無古今布
衣萬言疏孤劍一生心直道嗟難遇賈生終陸沉

中秋家人玩月

年年照離別今夕喜團圓不是人心異全勝昨夜看八
荒同皎潔列宿讓清寒自有銀河路乘槎到不難

古淡師然公遊方

野僧攜錫別何處度殘春天地無窮事江湖自在身真
心齊得道物貌異於人昔日安禪地深山虎亦馴

天育道中

除將吟卷外琴與鶴相隨問寺路猶遠入山僧未知鳥
靈巢佛塔猿飲掛藤枝陵谷幾遷變道傍橫古碑

山中古松

曾經雷斧劈上有鷲巢腥過客誰探紙山精此托靈乳
龍雲際頂龜鳥土中苓月夜境荒寂秋聲不可聽

育王寺

寺在衆山裏白雲深更深不知行樂意何似坐禪心護

塔龍常在倚松僧獨吟渡江前賜字珍重到於今

太白山觀雪

二十里松聲千山雪未晴人當絕頂見吟到此時清大
地球琳滿空林鳥雀驚老僧觀物化無滅亦無生

天童寺

佛界似仙居樓臺出翠微浙中山水最海內衲僧歸草
樹有真意禽魚盡息機禪房無別事唯見白雲飛

送潘進士

春渚微茫碧草連千花飛盡柳飛綿孤雲野雀生遙思
明月清風共一舡破褐還尋棲隱地空囊唯乞送行篇
先生自有修真訣不倚丹砂駐少年

過村翁家

白髮茅茨下耰鉏力未衰兒孫收滯穗鷄犬入寒籬俗
朴人家善山深升稅遲能言書舊事相問坐移時

薛野鶴

瘦形如雀頭如雪流浪江湖歲月深但是胃中有丘壑

何分城市與山林

漁父

一笠一蓑衣空江雨霏霏得魚雖假餌於世本無機晚
唱教兒和閒身盡醉歸滄浪猶未足長羨白鷗飛

開爐節賦

閒身何所似丈室老維摩茅屋地爐小荒園樹葉多移
牕就梅影百草補漁蓑似此寧辭苦邊寒尚枕戈

除夜苦雨

華髮負滄洲星霜又一周未憑終夜雨能洗隔年愁池
草起吟思樹禽栖屋頭空餘壯心在燈下看吳鉤

呈楮溪主人

一水傍通四五池竹亭茅榭亦相宜中間更着高人住
不到溪山無好詩

寄公衮舍弟

每恨世情薄相期情最深秋風一迴首明月兩關心
病難為藥砂頑不化金余生百計拙耐可事清吟

己亥大旱官催秋苗甚急

立秋終一日期會到林泉已悟征苗意曾吟喜雨篇
飢鋤山草盡喝汲井泥堅聞道鄰州牧憂民夜不眠

新築湖外草閣

揮手紅塵吾老矣斷堤流水草堂新幾年荆棘無行路
一日雲山有主人未許園丁知姓字先從漁父問仁鄰
謝他鷗鷺煙光裏飛去飛來伴隱淪

山居簡飲水友清溪槐逕二弟

別後全無夢寄書安得頻誰憐獨往意天弃苦吟人
債長新年息貧欺漸老身入林知未密猶與俗相親

送友人之括蒼

石門當半道想見泊舟時伴立終日就巖題幾詩
近山秋易老問隱地偏宜我亦江湖去心期爾得知

為張上翁賦松交

之人梅竹操抱此歲寒心古道久不作高風獨在今
無言欣意會肥遯愛山深我亦蕭閒者從君澗壑吟

友人入京

猿雀亦悲鳴
家山莫浪輕
千峯帶秋色
一路獨吟情
野水衝潮白
孤雲趁月行
遙憐歸夢斷
七十二灘聲

秋試下有感

焦桐何處是
知音猶向殘
編惜寸陰
此日便為終
隱計
青山已負十年心
梅花獨對寒流潔
野鳥高飛古木深
萬古紅塵徒擾擾
幾人頭上有朝簪

哭薛元善兄弟

寂寞一牕燈隨風滅又明空堂連夜雨白髮哭兒聲樹
色悲搖落交情隔死生唯應骨肉愛為鬼亦同行

送松風僧澗中二公遊方

無累雲相似悠悠天地間新秋生遠思此去未應還撼
錫驚棲雀聽松思故山吟詩與說法同是一機關

歸潔庵

自此首至業衣步
為湖外別業四詠

行藏自有意非命亦非時洗耳咲心褊折腰慚悟遲榮
枯花上見寒暑鬢邊知獨立衡門下悠悠千古思

漁村晚照

舊遊憶得瀟湘路
今喜煙波似舊時
澤畔怕逢漁父問
桃源已被世人知
數家草市添新戶
一樹寒鴉傍古祠
蘭杜香深洲渚濶
小牕長日賦騷辭

苜蓿軒

取唐補闕苜蓿長闌干句

好是春風長育天
闌干低護曉牕前
園丁未必知吾事
補闕清聲四百年

蓑衣步

水浸石根冷風吹藤葉飛
菰蒲秋影裏長起釣船歸

寄朱希仁兄弟

咫尺不相見閉門唯苦吟
聽殘寒夜雨灰盡壯年心
身外一貧在燈前百慮深
所欣交友義白首亦如今

送僧自然過許峯

知心逢豈易語別喜從容
因得靜中趣又尋雲外峯
吟篇題在竹拄杖曲如松
後會期難定來書勿厭重

題中川張氏所居

鷗鳥往來處此翁甘隱論地因人物著名入郡圖新夜
月情懷淡茅茨意態真高風無識拔老却採薇身

松風閣

地形連斗閣連雲松籟曾經佛祖聞永夜月明人到少
海光山色自平分

題仙巖玉桂花

生在龍居最上層重重碎玉簇孤藤靈根舊說宜丹汞
仙種元無到馬塍風過乍疑吹珮響日籠還似點酥凝

三年刻楮成何事除却天工人不能

和鴈來紅

若將羣卉分高下此種無因到畫欄
寒蝶不知紅是葉飛來猶作野花看

劉荆山漁屋

客星沉沒釣臺空千載風流獨此翁
萬頃波心歌杜若九霄雲外見冥鴻
已將名字編漁戶只有琴書在室中
楊柳煙深杖藜出滿頭衰白任春風

雲壁上人遊方歸

亦是無心出不如歸意閒一身隨鐵錫十載住金山定
石沾花雨清齋帶病顏常云迷覺路只在片言間

友人以修鍊遊方或傳其以此死者為賦是詩

霍骨難污世上塵西風惆悵瘞湖雲莫悲生死今朝隔
須信仙凡此路分丹竈空遺鷄犬恨青山誰弔鹿麋羣
蓬萊今古知何在秋草唯添處處坟

李氏愛山樓

境自吾心會於焉識所存鳥聲喧後寂樹色郭中村靜
壽備仁理乾坤悟易門白雲同此意相對亦無言

黃蜀葵

嬌黃無力趁芳菲待得秋風落葉飛空有丹心能就日
年年憔悴對斜暉

贈漁者

幾度看山愧白鷗身名心事兩悠悠何如醉醒寒江上
風捲蘆花雪滿頭

真隱寺呈延上人

塔光圓照室香炷讀經晨林下有清福塵中無悟人巖
陰常候雨松色不知春青草何年墓標題界碣新

茅屋

茅舍竹椽短不勞朱堊施高無神鬼瞰貧與子孫宜近
古意全朴當風勢亦危梅花有幽致一樹隔疎籬

胡賢良進史

白首哀遺傳難甘閔一丘未成趨闕拜路左別家愁文

字歸中秘科名異雜流當年韓吏部何自抱深憂

秋夜宋希仁同吟松風閣有感

相逢長日坐如癡瘦得吟肩聳過顚天意復生郊島在
人心自逐古今移高秋月色行松頂半夜山中讀楚辭
此道若無千載後塵昏何處照妍媸

寄羅浮楊天經居士

羅浮峯對海壇峯只隔長江半里風君向西方了生死
我於易象悟窮通數聲清楚空林下一幅漁罾落照中

各各閉門無俯仰不相同處偶相同

冬日雜言五首

茅簷日出勝重裘飽飯看山倦即休識得个中真氣味
自然無夢到封侯

古藤荒草亂成堆自課園丁日日來只有梅花耐清苦
霜風枝上犯寒開

竹爐槁葉坐燒殘冷屋荒村夜更寒凍得形模龜樣縮
誰知方寸似天寬

鶴唳柴門月過牆梅花如雪滿林香風光直許閒人占
不耐閒人夜亦忙

布被烘來暖似湯蒙頭高卧未昏黃道人不是貪鼾睡
省事門中第一方

壽昌寺

雁山紀
遊七首

野服掛僧單禪扉月未關桂香清近佛秋色老依山目
盡遙峯出步回流水閒相傳登蕩路數處可躋攀

能仁寺

過盡盤山險登臨意忽平
殿燈搖佛影瀑布雜鐘聲
湫闊龍居頂路迴峯換名
曉行林日薄海氣接雲生

大龍湫

深冬雷未蟄雨雹半空飛
久立恠生眼迴看日變暉
萬松聲不出尺蜃鬣猶威
僧說分流濶長年無旱飢

靈巖寺

千巖峻骨露隨恠各生形
目力到天盡心旌依佛寧
夜鐘傳谷香石氣逼燈青
崖腹獼猴住多年性亦靈

淨明寺

入寺嫌僧俗獨行松逕幽夜扉崖室寂齋磬鐵盂秋谷
棧雲迷級石溪霜迸流維摩不語坐何日病能廖

靈峯寺

神功開地秘恠石盡為峯佛界虛空造龍居十二重晴
瞳隨境役蟾兔及秋逢却憶謝靈運嶺頭迷去蹤

寶冠靈雲二寺

夜鐘寥闕遠相聞古佛青山自結隣片石挂空平可渡

兩峯侵漢立如人雲歸蕩頂無多路僧住巖根老此身
為憶龍湫重迴首來看瀑布獨逡巡

劉荆山謁賈秋壑

鬢絲千縷去衡寒酒放詩豪強自寬天下英雄從古少
人生遇合至今難婚姻債裏拋吟屋雨雪聲中起客單
造物與君強健在歸囊知有暮年歡

素上人圓鑑

何須百鍊取晶瑩大化非由巧力成所性本來無闕蝕

認形却恐未分明寒泉深夜轆轤靜素魄中天世界清
到此萬緣皆了了笑他拂拭墮纏縈

新春感懷五首

新春風物舊山川老大情懷亦惘然桃樹不知秦世換
落花流水自年年

兒女添年暗自欣不知婚嫁逼儂身羹藜衣褐由天分
莫負當初種德人

自悔中年廢讀書餘生祇可業樵漁青山白屋笑歸去

從吾高眠百事疎

新種黃精助晚糧生涯小小掘何妨春風吹鬢不重綠
白日笑人長自忙

多置田園占好官妻兒奴婢盡生歡貧家有子纔堪教
身後窮愁且放寬

送廉村宗人薛庭芝薛如晦還里

老吾儒冠誤憐君亦固窮山川居壤異友愛所天同江
渡乘潮濶霜林逐曉空永懷楸壠敬淹泊志難通

郭外隱居

自是山林士非因失志餘兒童知稼穡猿雀近詩書曙
色浮滄海春風滿太虛固窮須學力不敢廢經鋤

趙東郭倅越

百指忍貧需遠次壯心銷盡鬢絲知身如韋素居常泰
官被聲名折得遲東擔喜聞千里戍出山唯有十年詩
蘭亭風月應須記人物依稀似晉時

秋日書懷

萬事榮枯一聚塵塵中誰是獨醒人壯無學力吟將退
老入賢關路轉貧昨夜立秋涼到曉空齋對月靜如賓
首陽千載歲歲綠唯有夷齊紀逸民

為歸雲師賦野航

遇坎與乘流誰能拾迹求即空皆是境大渡本無舟風
浪隨機息乾坤任泡浮可憐迷岸者漂蕩幾時休

夜坐課子姪

微風弄孤燭蠶響泣將晨欲辦男兒事當為志氣人簞

瓢非外樂韋布只身貧慎勿忘科第務求榮爾親

賦王九山滄浪閣

千年孺子吟誰會此時心方寸有涇渭煙波無古今水禽知雨候山氣愛秋深不盡凭欄意橈歌歸故林

省試舟中

闕下春光近囊金又一空霜風欺敗絮星斗隔疎蓬世道誰能挽妻孥見未同青燈對黃冊銷盡幾英雄

旅店早起

半醒夢猶在擁衾無限情曉牕燈影淡山路雪吟清歲暮羨歸客囊空無去程故書多廢理驚愧動心旌

鮑靖之左藏挽詩

一門期負荷太息此生終世道不如古君心誰與同官清餘索在虞返故堂空作善寧須報悠悠付彼窮

下第

寸晷場中較尺尋榮親無路淚盈襟一貧誰過簞瓢巷百口難寬兒女心昨夢重圓知誤喜平生失計為工吟

近來文體尤趨薄古道何由可語今

為槐逕弟賦亦愛廬

無私天地情物我豈殊形此事關方寸何人立戶庭一
琴調舜曲半壁寫西銘萬慮境常遠誰能羨獨醒

初夏過湖外別業

郊原新綠喜初晴一曲湖光潏灩明幾處樓臺空鎖鑰
百年人物盡丘塋好花自分隨春去惡木寧思擇地生
獨念索居聞識寡夜牕長對讀書檠

趙東閣奏院去國

帆遠浙江風，萼鱸趣一同。無人持國是，舉世咎詩窮。身
退山林重心怡，學問充冥鴻。離罾繳瞬息，九霄空。

為迪上人賦寒猗

山僧受修竹，種此出囂塵。霜雪不知苦，歲時長自春。定
回閒坐石，風過動吟身。倘欲求歸止，清虛即道真。

劉荆山過維揚再謁賈秋壑

靡屨踐淮雪，故人師帥歡。燈前語疇昔，時事又艱難。陪

宴平山曉尋梅古署寒却歸訪泉石珍重慰團藥

山居述懷

山瓢動瀑水一枕曲肱清未過勤求日非沽隱逸名梅
邊月在水寒夜酒如兵悟得乘除數貧中心自平

本無師住旬陽山庵

萬松圍坐石大海浴金輪不識入城路唯脩成佛身出
生來虎子持呪拱山神何必工吟苦機鋒自絕塵

冬蘭

出林詎為晚知我歲寒心不入離騷怨來親冰雪吟衆
芳歸槁壤獨餘長窮陰為有幽人致相看情倍深

閒居雜興十首

亦有入城路門前秋草長荷鋤書在手負鍾醉為卿雲
渡溪流湓廚煙樹葉香為貧從儉約猶欠半年糧
昔日黃金屋十年荆棘林浮生真亦假世事古猶今電
隙無留景雲泉屬自心紛紛蝸角裏朝暮幾升沉
鐵硯幾磨研依然螢雪邊薄才遺聖世無祿盡親年多

病唯諳藥當寒不識綿素心期淡泊永藥誓能堅
秋蟲隨響滅振羽不知疲譬彼附炎士寧思失勢時垂
竿動天象定策茹商芝投分諒非淺翻然弗可追

閉戶謝流俗青山獨自看淡交從古少冷面對人難農
圃元非學神仙不在丹孤懷無別想回向此心觀

四時俱橐籥一氣自迴旋誰謂春風力能專萬物權榮
枯忘晦朔霜雪抱貞堅賦分有深淺殊非天道偏

已是中年後何當絕悔尤漁樵非始志燈火企前修業

落秋容見策傾霍貌愁詩窮安敢避天為拙人謀

土木非吾事支東復挂西雨盈溝壑葉簷側礎沉泥護
壁時編葦登樓恐折梯若無憂寇至終歲亦安棲

近覺吟無趣權將俗累刪鶯花老眼倦風雨半春閒野
服便粗褐紫扉暮掩山片雲尋處泊飛度竹簷間

白髮天應棄春風吹不青神仙歸恍惚書傳出英靈周
粟豈醫餓湘流難活醒迄今名字在百世仰芳馨

潘懷古參學

同吟四十過三四常恨詩銜欠一官人事中年多感慨
仕途今日更艱難爐亭圍坐推前輩夜店單牀定薄寒
最喜親庭佳闕近盡攜兒女入長安

廬村族人命賦唐補闕薛公墓

一自東宮吟肯藉吁嗟直道竟難容精忠夙佇危邦慮
明哲寧高避世蹤疎傳有心辭漢陛甘盤無夢佐商宗
寥寥千載聞風者引領猶能式墓松

何處青山無白骨先生高節死猶存古今人物一抔土

閩浙詩書百世孫鄉邑有祠尊往哲樵畝知禁避荒垣
斷碑殘碣堪摩拭慙愧年年宿草蕃

潘南夫察院出臺鄉人榮其歸拉余迎訪因賦七言
囊封朝上暮身擠讒口何如萬目齊昔謂椒蘭試擇地
今知蕭艾遠同畦波濤不動中流砥風雨難瘖晦旦鷄
自着漁蓑厭趨謁晨鐘欣出郭門西

早起即事

隔水鐘聲枕上聞城中人事已紛紛開門放宿溪邊去

衝破閒堦一片雲

電眸相士索詩

築室漁村五六年湖光山色在吟邊
道人不作閒人看浪說前程博酒錢

林景雲叅學

一門四世同堂樂門外傳呼釋褐歸
自此高車訪遊舊屏將呵從叩漁扉
三冬晴暖春寒在千里詩書野意違
又說攜琴搜逸譜休嫌古調按今徽

王九山提刑於子城西舊宅累石作小阜見示五
言因次韻奉呈

幽懷隨所寓數石几窗前荆棘倘迷道山林空浩然雲
生寧擇地龍去即為淵誰謂達觀士終當違市廛

郭氏抗雲樓

宴坐羣峯表太空無一塵青山獨徃意白首自由身放
崔重霄濶凭欄萬木春紛紛荆棘裏跬步亦逡巡

郭氏遺經堂

欽定四庫全書

兩宋名賢小集
卷二百八十七

三

校讎存手澤肯構烟前光際此聖明代應無屋壁藏半
窗分雪影羣蠹避芸香靜想趨庭意居然師友傍

徐太古主清江簿

四靈詩體變江西玉笥峯青首入題舊隱乍違鷗鷺去
新篇高與簿書齊身閒自喜瓜期遠俸薄還因楮價低
撥別正逢寒食日洞庭春渌草淒淒

漁村會諸友戲呈

磯頭濯足動滄浪獨醒何曾與世妨盡寫騷經粘屋壁

未逢漁父似瀟湘
遠山不離煙雲色
流水時聞蘭杜香
製得荷衣恐驚俗
對人稱是楚賢裝

舟別徐太古主簿

粉社過從久
新知盡不如
素心非必仕
此別遂成疎
清苦辭藜藿
寒暄慎起居
川途修復阻
相憶耿愁予

悼張寺丞

五馬歸來絕送迎
全將漚泡視浮榮
宅依林麓樓臺小
門有詩書氣味清
身後只如僧冷淡
墓頭曾是手經營

欽定四庫全書

西華名賢詩集
卷二百八十七

夫人扶疾秋牕下深夜看經帶哭聲

瓢飲陳子在病後見寄次韻奉荅

聞君卧病長於悒文會過從迹頓疎空對秋風驚節物
無因杯酒具園蔬柴荆晝掩聽殘雨燈火涼生理故書
一啓來緘拜佳什清冷如奉笑談餘

棲禩絕句

不學踰垣與閉門誅茅先卜遠人村釣魚磯在平如席
坐對青山無一言

兩宋名賢小集卷二百八十七

欽定四庫全書

兩宋名賢小集卷二百八十八

宋 陳思 編

元 陳世隆 補

雲泉詩

蕩頂

重遊鴈山
分得六題

高平餘十里湖澍落中間此地可耕鑿長年迷草菅一
庵猶有路四望忽無山道者了經課慰余登陟艱

龍鼻水

怪極生真想
飢凶禱請勤
半身鱗甲具
一勺渺瀰分
應谷聲如鬼
飛空石碍雲
精誠隨寓在
亦以感通聞

天聰洞

天聽本非耳
形容獨費吟
豈伊穿鑿力
能探杳冥心
混沌開中竅
空虛納衆音
下臨千仞儉
當暑骨毛森

水簾谷

石壁斧修痕
風泉斷續聞
琉璃光閃日
空洞濕飛雲
妙

出神功造源從湫底分誰能為鉤起深處謁龍君

照膽潭

彼我俱澄澈中涵理趣深游鯨具龍體幽洞通潭心影
動猿搖樹沙明日耀金片巖經霹靂痕鑿到於今

五老峯

巖前看不足化此石為身憶昔白頭者於中第幾人相
逢應失笑久立豈迷津勿厭薜蘿密癡容免俗嗔

哭瓢飲陳子在

案頭螢火散惆悵夜吟魂路暗重泉迴堂空半影存命
無藜藿富書獨鬼神尊猿霍聲聲怨愁人不可言

蟬蛻塵埃外閒身樂未涯山林天豈靳修短數難移吟
硯誰濡墨空瓢想桂枝深衣古賢貌猶覲夢來時

每恨去城遠番番語別難論交置疏數盡醉就團樂事
往遽成感松彫不待寒尚餘親翰墨收淚再三看

寢食難忘置心懷故友情花枝封蠟寄詩遞出門迎忍
聽偏親哭相期嗣子成乘除理終定人事未容輕

月海遠上人遊方過靈隱

一點靈光在月生
滄海深此中難着語
何處可相尋
野寺齋無定
窮冬日易陰
聽松行九里
却坐冷泉吟

漁村雜句十首

莫論塵土與煙霞
收拾襟懷即我家
絮帽蒙頭霜月下
水村深夜看梅花

非智非愚浪着鞭
前程倒指事茫然
臨流一洗巢由耳
獨立斜陽認釣船

盡醉茅柴得自由
蘆花飛雪滿人頭
蓑衣碎葉重重補
聽雨吟風卒未休

青山如主復如賓
相對無言意自真
富貴不應忘此味
從來世上少閒人

月下門開不用敲
渡頭長繫木蘭橈
盤飧市遠從真率
會宿何妨屢卜霄

澤畔行行歌楚騷
一襟忠憤付湘濤
難教舉世無醒者
莫羨漁翁活計高

三五人家住一灣
近城無路去來難
溪邊自結同吟友
松柏青青到歲寒

野水微茫路欲迷
重重沙渚自高低
鷺鷥飛過無心泊
直入殘陽樹杪棲

猿雀何曾肯受羈
偶來亭畔立多時
物情未到忘機地
步步行行只是疑

白雲相顧尚依依
十載江湖負宿知
時事未容輕所學
山中依舊只吟詩

普覺院登上人房老梅擅名滋久昔四靈與其先
師道公方公遊賦詠盈紙距今三世矣余每至其
所輒徘徊不忍去登亦對坐不倦有前輩之風槐
逕弟拉同遊者賦詩因用其韻俾登藏之庶不愧
昔日爾

年年心與雪霜期一點寒生古樹枝昨夜故人相問訊
隔牕無月坐移時

四靈歿後誰知己惟有清香滿舊枝頭白山僧猶愛客

為曾親見老師時

感興

簞瓢吾道在此樂語人難遺却形骸累始知天地寬
遠山不辨樹高屋易生寒數夜雪風急編蘆壁未完

新年換桃符

桃符頻換句維新休對春風訴舊貧近日兒童談道學
幾時徵詔及閒人山田收薄官輸在樹雪吹殘曙色真
慨昔巢由老巖穴終身擊壤作堯民

漁村雜句十首再和前韻

晴空萬里散餘霞一葉漁舟穩似家
學道未能全寡欲水邊隙地亦栽花

蘭菊分畦筍作鞭南山相對意悠然
城中有路何曾入只許蒼頭趣釣船

此身閒却有來由白髮中年已上頭
莫道無官無可棄從今放下一齊休

獨作漁樵最上賓土風淳朴物情真
鮑家兄弟皆和樂

林子詩豪膽壓人

林鮑皆漁村鄰舍

巡簷修竹晚風敲古寺僧歸月下橈童子閉門無一事

只須清坐過中宵

微吟朗詠足風騷切莫危言試怒濤雲本無心泉自潔

不因作意立名高

生涯小小落溪灣妻子知時不說難畢竟直鉤為計拙

晚來無酒可銷寒

暝色和煙四望迷仰眠牛背覺天低村翁遙指笙歌處

此地魚沉鳥不栖

雉入樊籠馬受羈
低頭猶怕欠趨時
人心到此無真識
未必人疑先自疑

歲寒無物可相依
惟有梅花似故知
名世何曾在科甲
西湖處士只吟詩

春晴泛湖

平湖新漲綠沙觜
淨涵波芳草思無際
春風情最多移
舟動山影止
樂聽魚歌得意唯
鴻鵠高飛避網羅

呈井南劉主簿

何處井南居青山遠屋廬竹生從礙路泉響不驚魚有
道貌亦古淡交情似踈慈親更彌壽堂上步徐徐

春半

春半數風雨水村增曉寒不辭蓑笠重自覺起居安隔
霧山疑失占晴礎未乾可憐桃與李無語受摧殘

太古元西堂過萬壽謁位山肇淮海禪師并簡

老子舊知己江湖獨爾思此行逢作者送別若為辭風

雨過春半詩書滯海涯心心倘相印亦足慰哀遲

憶汪氏山亭舊遊并簡

因山為址屋無多中有幽人衣薜蘿自擷溪毛充野腹
頻敲牛角和漁歌舟車相過情難數姓氏長留石可磨
遙想對牀風雨際一燈終夜照吟哦

古淡然老得帖往長蘆不受却歸松風舊寺次社
中韻

拄杖挑雲上半肩尋幽重到舊栖禪浮生多故成南北

白髮相驚開歲年
房閑松聲難辨雨
山連海脉暗通泉
自從勇却長蘆請
猿霍終宵亦穩眠

佺上人遊方

燕鴻來去盡蕭索
此時心杖錫投何
寺風霜別故林
夜牀煨葉火朝谷
應樵音徃徃長松
下看山坐獨吟

送宋飲冰過四明郡齋

元戎招士重親臨
喜遂詩書萬里心
乍免客愁供帳具
暫停遊事戟門深
秋空矯首瞻魁彩
夜燭憑花聽鴈音

從此大名滄海濶好風三日到鷄林

憶昔曾登太白巔閒雲留我石牀眠集詩刪失顯猶記
人事乖違歲屢遷極羨故交游汗漫不禁離思對嬋娟
山中乏致兼金餽形迹相忘二十年

松風隆首座住雲際禪院

山門開望海鐘鼓動魚龍人具慈悲相秋生寂寞容隨
身唯一鉢留偈別雙松後夜橋西月支筇失所從

入京逢故人

長貧復羈旅共與十年歡在世誰無累如君事獨難
就居隣火後多病卧春殘縱決歸山計煙蘿不療寒

下第歸故園

扁舟搖蕩水心村幾度煙波入夢魂
猿鶴認名聽號令樵漁執禮叙寒溫
浮生多事景逾促自古求人道不尊
莫為窮途妨曠達定應束帛貢丘園

山中

依然木石居造物任乘除
時事今休問山中計不疎
泉

聲增雨後禽語變春初吟得詩名世終身甘荷鋤

山居十首

深澗游羣魚高樹鳴幽禽山中白日長同此逍遙心脫
稂香可炊濁酒聊自斟過茲非所求孰為升與沉
陰壑生暮寒白雲如炊烟麋鹿不識人時復近吾前青
松三四株石牀在其邊意思清且閒可以終餘年
名利能移人智者為之愚歷觀古英雄鮮或全其軀幸
逃世網牽園綺真吾徒勿令千載下嘆惜斯人無

前村雨脚收斜陽掛高樹老翁牽牛歸頗亦有幽趣山
風響茅屋崖月導芒屨平生江湖心於此謝馳騫
龍居洞雲深飛泉瀉石壁不聞耳邊喧但覺心境寂富
貴由他人得失俱抱戚孰能全其天山中樗與櫟
午睡不覺長童子入城迴地爐散微煙煨芋已成灰獨
酌無佳賓梅花為吾開須臾山月高顧影空徘徊
木落山轉空景駛寒亦早百草無愠容低頭就枯槁形
生腹形化安用置懷抱千古丘跖分所論非壽夭

古調今誰彈至樂非外假淵明愛無絃此意知者寡放
鶴未歸來時倚長松下旁觀彼何人笑我衣裳野

老妻倦縫紉痴兒厭藜藿一貧誰復言多累吾已錯山
半雲可耕山下泉可鑿軒冕亦倘來豈得長如昨

柴門長日關不碍溪水流桃花樹難尋悵望迴輕舟雖
無武陵原事與昔人侔已矣勿復言白首安吾丘

廬村薛處芝訴貧於余余亦貧不能周之贈以是詩
兩窮相值愁無計同是開元補闕孫百世清風於此在

莫將貧悴對人言

素上人遊方

山深不可見一錫又雲飛
梵澤通方語林霜點衲衣
神閒生境寂思苦入吟微
寒月空相照何人夜扣扉

送叢衣與陳子淵漫成口號

蒹草為衣葉葉新已知難上貴官身
野人相贈無他意從使心親迹更親

自君之出矣三首

自君之出矣淚對花枝洒
風牕挑夜燈心在無油瀉
自君之出矣荏苒度寒燠
譬彼雙鯉魚書辭長在腹
自君之出矣抱此離恨情
春蠶不作絲纏綿過一生

松風閣

越僧一書記
索賦二絕

何處笙簫起半空
滿山斜日動蛟龍
老僧無語凭欄久
過盡白雲千萬重

月泉

月色泉聲境自真
有身終不惹埃塵
山中受用祇如此

佳者知為澹泊人

為鄭菊山賦斗室

居然真樂地
跬步亦徜徉
大器何曾局
修程未易量
中天應躔象
吾道即宮牆
萬斛泉源在
非徒志秕糠

松阜弟於寶成寺祖墓之側營別業為賦得閒
亭詩取又得浮生半日閒之句

陟嶽心已清
復此風雨蔽
高人疏鑿餘
理道頗超詣
卜築諧素志
緇侶欣共濟
修竹尚無恙
巢鶴亦數世
空山

嵐欲滴近水石可憇春睡朝旭升夜語孤燭繼高扁出
林麓先壠記苗裔嚴鐘警晨昏羣岫羅扈衛身同野鹿
遊跡許巢父媿蝸角自為雄蟻磨卒至斃靡懷半日羨
詎識終老計吾廬並漁村興往輒鼓枻野衣栽芟荷敗
屋粘薜荔川陸阻會面歲月迅流逝茲情不可忘淡交
慎勿替及時畢婚嫁即事無芥蒂相從丘壑真永使心
迹契泉石聞斯言庶以當盟誓

項大著挽詩

恥為恩門屈寧辭御史遷力陳歸老疏自盡讀書年秘
府神遊地浮榮夢覺前世間真不死未必屬蒼天

劉荆山歸自維揚新榮漁屋退居

漫道歸來晚閒中日最長漁翁尊齒序容子效戎裝野
水涵秋霽風荷動夕陽十年畢婚嫁亦勝為人忙

定菴遠山主

修持功行滿不墮劫中塵龍象西天邃杉松郊塔新臘
高同輩盡歛簿小師貧生滅理無二交深獨愴神

哭槐逕弟

孤僻由天性看山獨展眉
豈無身後慮猶課病中詩
泉石寧非崇蒼旻不可知
平生唯愛菊增我九秋悲

林氏梅巖

古意元從澹泊來雲根香雪點磯苔
靜觀造化春長在不是冰霜凍得開
半影落池涵潔白一峯無路接塵埃
逋仙家世君端的只恐清吟未易陪

王九山挽詩

古史無完傳清風獨可模從誰問出處舉世比泥塗氣
直於時忤身榮與道俱士林為重惜揮淚奠生芻

修行過衲子蔬飯幾昏晨自草休官疏猶嫌在世身片
雲先塚近寒月萬松鄰為鬼還應別平生有善因

俗論鄙迂儒公胡獨受欺焦桐方入調夜鶻忽驚枝心
事將誰許身名負已知九原如可作白首誓為期

逢舊友生

交遊半零落身在復長貧對語寒燈盡相看白髮新兵

興無樂土市近少閒人遙憶桃源路鳥啼花自春

和清溪可居壁間韻

松風相對掩重關何止浮生半日閒此是仙家真境界
蓬萊猶在有無間

日日虛廊步百迴吟邊時有可人來西湖處士詩名世
老向孤山亦爲梅

林景雲令祖夫妻隨其子各居同日葵

真誥巖前舊築居夫妻雙化是仙期至今耕隴桑麻地

全似桃源晉宋時
宅窻同展符吉卜
親朋分夜別靈帷
詩書孫子名方盛
錦誥重恩日未遲

康氏端齋

於焉能取友人已
兩無偏立行有如此
前修宜比肩吟
情近風雅胷次着
林泉愧吾全迂僻
交遊又十年

陳子淵台州添倅

高志愛官閒
來從玉筍班
離家買湖石
開印對中山
風月添新句
朋遊記舊顏
桃花元有約
猥賤未能扳

潘氏梅所

種梅營數椽四壁但蕭然清帶山林氣香來筆硯邊雲
深天向晚人立鶴趨前余亦歲寒者相從恰暮年

近買山范灣自營藏地與亡弟草塘君及外家墓
塋悉可跂望感事述情繼有是作

因緣還是范灣邊乾巽峯高四應全千古青山逢具眼
數莖秋鬢近哀年倒騎黃犢循來路貪看行龍下遠田
慙愧鄰翁為指說傳聞此地產英賢

外家後事淒涼甚老婦思親哭最哀今日青山苗吾在
他年寒食望甥來極知造物成吾志可但精靈慰夜臺
惆悵昔時原上路獨餘宿草見春回

草塘相望隔重雲愧吾為兄蚤哭君少日對吟聽夜雨
老來無計撫孤墳泉臺冥漠唯增感人事安排已十分
莫待他年推吉應如今友愛最先聞

敢慕昔賢居曠達分甘吟骨寄山阿劉伶常備隨身鍾
陶令曾為自挽歌未必浮生於此悟筭來忙處為人多

北印原上堪回首莫枉心情用太過

十萬買山渾可事放教身死骨猶香不知筋力何年盡
看到杉松幾尺長管郭豈能謀富貴詩書元是著興亡
采薇歌在無人識千載清風獨首陽

分明來日已無幾還似叅禪未透時吟骨縱清難免死
黃精多啖亦充飢題詩遣得山精去近俗偏將古墓夷
合眼便為泉下鬼此身康濟莫宜遲

大有公卿弗似吾一枝藤上挂胡蘆旋疏苔石通崖溜

自祝山神保鶴雛休羨銘旗題極品試將槐樹植三株
依然此事憑陰德從古幽明理不殊

贏得青山終老看閒身受用不須多風霜落木時將暮
功業無心鏡懶磨道士共聯石鼎句村童能和草庵歌
蓋棺一事安排了肯信光陰去似梭

山中百事且休聞也莫參禪莫鍊神纏樹古藤無了日
隨風亂葉豈由身閒來景物吟方到靜處工夫識始真
想得大槐宮裏夢日高猶有未醒人

依然且作住庵看，茆屋三間辨不難。
戶外莫容千駟馬，客牀唯置兩蒲團。
深林藏虎風長怒，短木支門睡自安。
西北干戈猶未已，偶逢樂土度哀殘。

高新甫雲崖

步步危機死不知，白雲深處最平夷。
猿啼鶴唳非無意，纔近高人便入詩。

悼薛君載

衣被唯練褐，長閒未覺貧。
將何折君壽，不盡百年身。
竹

樹多於屋禽魚近得人生無世情戀寧復怨蒼昊

石牕通上人南遊并謁劉後村

所師郊與島知己又應難羽檄邊烽急風霜歲事殘出
家忘路遠度海識天寬文暢浮屠者當時亦慕韓

君成弟清溪

孺子歌猶在滄浪可濯纓流來如玉潔止處似心平魚
避飛鳧影荷添落雨聲詩書源更遠千古媿交情

哭中師雪岨

衆裡知心少，唯師是故人。
臨終書未答，昨夜夢全真。
鶴唳渾如哭，花開不似春。
近逢同住者，得問病元因。

霽雪亭

千樹玉成林，遠香清可尋。
幾疑安道在，直得老逋吟。
迥與春風異，唯宜盡日陰。
塵中無此景，羨爾弃華簪。

方氏墓廬扁曰白雲飛處

諸峰互隱蔽，一望一增悲。
觸目易成感，思親無盡時。
松扉陰似雨，翁仲立如癡。
出岫亦何意，悠然自不知。

漁村偶顯

莫道柴門窄，斷無車馬聲。
苦吟成集少，久病見人生。
花落寒猶在，春陰雨未成。
漁村名自我，鷗鷺勿相輕。

唐補闕清風亭

去國遺忠藎，朝盤托諷深。
因知潔已意，亦是愛君心。
貌像意全古，子孫貧至今。
清風如可繼，媿土已埋沉。

寄珂雪屋

積雪覆茅屋，僧居清更清。
浮生千劫盡，長日一燈明。
野

鳥呼能下山靈避不行舊時江月住時聽誦經聲

賦山雲姪偶耒

取谷雨晴時
偶自耒句

扶犁人所賤何苦事耕耘生意未終息雨聲曾厭聞詩
書長在手畚鍤豈勞君祇恐青雲上能將此志分

還甘泉沈氏詩卷

之人吾畏友相望水東西筆下山林趣詩中五十題讀
書長閉戶自奉只羹藜名字他年出雙松應共齊

萬象亭

年年此地駐吟鞍
十萬人家指掌寬
天上星辰依舊遠
山中松桂不知寒
月生滄海一輪靜
雲泊闌干片影殘
見說亭基從古在
擬將圖志試尋看

朱氏雲壑

舒卷悠悠付太空
居然丘壑共胷中
人生知己終難必
世上無心自不同
片石若浮龍在水
遠峯欲露樹吟風
羨君隱處有如此
想見詩成字字工

本無師與槐逕
弟交遊二十年矣
古人謂百篇詩

盡和一盞酒須分余於二公亦云槐逕既歿本無
編其往來之詩號曰雲林酬唱偕述鄙句奉呈

中年為此別悲動故交情案上林雲卷山中風木聲夢
回驚復喜詩在死如生幾番西交路逢師獨自行

宣氏梅邊

自入孤山詠梅花最識詩喜逢吟苦友共此歲寒期曙
色雪初霽暗香春未知前村風景別抵是愛茅茨

畊樂

躬耕樂道真吾事三聘看來未是榮
時尚可為君更悟何妨藜藿度殘生

王氏山惠詩

民山名字出朋輩獨推先不奉寒暄問於今四十年
傳來詩似錦倏去步如仙自古山林士無營貌亦賢

漁村即事

維舟古渡頭四望是汀洲水濶唯宜夏荷枯不礙秋
困歸牛背穩晚汲井雲浮獨坐愁無似多番為月留

潘氏可軒

可人居此地稱此可軒名力學倘無倦終身集大成言
辭寓深淺權度要分明體認工夫到何妨緩作程

青藜閣為林景雲賦

九斗峯前太乙臨星辰亦鑒此時心樓高不礙光芒入
坐久忽驚風露深千古聖賢書裡見吾身學問性中尋
夜窗勤苦追先哲名字何分昔與今

追惜永嘉前政知縣趙大猷時景定改元

興言民父恩猶在何故年來盡不如清節苦於為士日
歸裝輕似到官初月明往事尋思遍燈下懷人音問疎
矯首天朝除目到放教田里得安居

高氏石雲

取賈島移石
動雲根句

閨仙曾得句月下自推敲以此幽閒趣長為淡泊交水
寒梅照影霜滑鳥歸巢余亦同懷者從君結把茅

清醒

獨懷忠憤赴湘中舉國昏昏志不同漁父笑君君亦笑

烟波相望各東西

囊螢

山中不羨青藜貴清夢何曾到石渠
裁得練囊連夜喜

兒童也學裹衣裙

殘星數點照科斗此事分明屬後生
記得年時頭未雪
夜牕不覺又三更

謝松岡姪惠詩

韋布名猶盛詩書不負人
每過臨水宅長想釣魚身
思

苦詩難和歲寒交始真
迺翁憐病久余病復兼貧

邵氏悅心堂

擾擾利名役鬢髭霜雪侵
要知充此性即是悅吾心
有道境常裕無營味最深
紛華安肯羨出見更酣沈

別鶴

見說瀛洲萬里程相思猶覲下青冥
已歸天上神仙籍不就人間飲啄腥
昨夜月明如失友故園籠在且休扃
鄰家亦有雛堪待丹頂微微振薄翎

冬日野步

樹上有禽啼似春聲高聲下亦何心幽人拄杖移時立
句句詩中是苦吟

山中梅花

詩人魂在梅花上不比垂楊管別離野鶴聲聲聲漸遠
定應飛報月明知

已有梅花未有詩青山相對動愁眉山翁只在山中住
花落花開揔不知

山中

長日山中坐白雲
應笑人浮生塵未脫
至老趣難真
身在影猶贅
年豐家自貧
莫將吟事廢
柳色已知春

漁父詞七首

蘭芷流來水亦香
滿汀鷗鷺動斜陽
聲欸乃間鳴榔
儂家只住岸西旁

翁嫗齊眉婦亦賢
小姑顏貌正笄年
頭髮亂髻鬟偏愛
把花枝立柁前

湘妃淚染竹痕斑
風雨連朝下釣難
春浪急石磯寒買
得茅柴味亦酸

滿湖飛雪攪長空
急起呼兒上短篷
蓑笠具畫圖同鐵
笛聲長曲未終

離騷讀罷怨聲聲
曾向江邊問屈平
醒還醉醉還醒笑
指滄浪可濯纓

白髮鬢鬆不記年
扁舟泊在荻花邊
天上月水中天夜
夜烟波得意眠

只有青山可卜鄰
妻兒語笑意全真
休識字莫嫌貧方
是安閒第一人

漁村遠望因思槐逕弟同遊之樂

滿山殘雪滿溪雲
唯有沙鷗獨見親
往事不堪頻入夢
吟篇無數更愁人
扁舟欲渡同誰載
破衲蒙頭近六旬
尚擬來生因可結
淒涼何處問蒼旻

閒居言懷

老子從來不為名
放教心地到和平
庭前草色知春近

聽外梅花終夜明紙帳夢回移月影石溪流斷失灘聲
吟邊莫問紅塵事只住茅茨亦自清

挽陳運管安人孫氏

舅家如母在慟哭淚沾襟平日經聲斷茲晨佛力深墓
廬猶手構相則是夫箴山上半慈竹從知契夙心

君譽病愈相訪

有誰憐我老賢弟獨知心月夜空相憶梅花都未吟愁
因失鶴致貧為買山深連日勤過訪新筇得共斟

還寓樂姪詩卷

吾詩吟未了今爾亦工吟
筆下心思苦書中理趣深
青燈宜遠到白日易西沉
多謝憐哀疾連朝獨見臨

園中

莫道趨時拙書中樂未涯
荷鋤依樹歇聯句笑人遲
仙去井猶在年荒草不哀
近來筋力減累失看花期

賈鹿巖

不是長江派因何亦好吟
從知世味淡自覺野情深
科

舉無名字案頭唯古今新銘為讀盡可惜老山林

山中遇雨

草荒泥磴滑老病厭扶持雨逐雲先後路隨山險夷天
寒禽自浴屋漏榻頻移吟事愁無緒梅花意亦悲

山居有感

無忤復無求山林終自由雪飛猶欠積雲住欲相留朋
友疏因數功名喜亦憂休休亭記在此是死前休

湖外泛雪

雨雪連朝意未休
支筇難步最高樓
梅花不識春風面
野水相平古渡頭
船上看山無屋礙
塵中閱世似漚浮
一生窮苦緣詩僻
莫把詩窮認作愁

病中感興

風霜歲又除
藜杖步徐徐
兒輩憂無藥
牀頭喜有書
背因曝日暖
交為訴貧踈
天定由人事
不如深閉廬

憶稽師與觀梅并貴行弟歿後之思

不到稽師今幾春
淒涼匹馬去無因
同遊人葬梅花下

應笑花開不見人

守歲五首

兒輩呼盧不計錢
地爐圍坐笑聲喧
老夫自筭吟邊事
裁竹移花近百篇

明日焚香叩九關
六旬修未到清閒
莫憐身在塵中老
雪後騎驢亦看山

鶴雛添歲頂微紅
想見瀛洲路亦通
昨夜柴門長半掩
三更敲盡呌歸籠

新歲纔餘七日，
銀燈前猶自笑人忙。
茅簷霜下寒衣薄，
蕪盡蕪葭夜更長。

平日過從乏貴遊，
更來湖上棹扁舟。
除將兒女年年拜，
鄰舍相逢坐即休。

梅枝

山雲惠
二物

贈吾江南一朵春，
獨清滋味自相親。
只愁月下推敲拙，
難與梅花作主人。

畫竹

跬步園林種亦難
渭川還有幾千竿
山雲遺吾水綃軸
得與梅花相對看

漁村有感

小牕長日苦吟聲
獨倚闌干看晚晴
居士莫疑貧可弃
春風不為病相輕
梅邊紙帳重重影
壁上離騷字字清
鷗鷺往來情更熟
只消此地度殘生

兩宋名賢小集卷二百八十八

欽定四庫全書

集部

兩宋名賢小集卷二百

八十九至
九十一

詳校官中書

臣

閔思毅

助教臣常循覆勘

總校官編修

臣

王燕緒

校對官編修

臣

曹錫齡

謄錄監生

臣

吳克成

欽定四庫全書

兩宋名賢小集卷二百八十九

宋 陳 思 編

元 陳世隆 補

橘潭詩稿

何應龍字子翔錢唐人嘉泰間進士曾知漢州橘潭

詩稿一卷俱七言絕句

春寒

博山熏盡鷓鴣斑羅帶同心不忍看
莫近欄干聽花雨
樓高無處着春寒

客懷

客懷處處不宜秋
秋到梧桐動客愁
想得故人無字到
雁聲遠過夕陽樓

寫情

洒淚題春墨
暈乾東風無便寄
郎難青箱再展
雲牋看
蠹却相思字不完

寄胡雪江

借得官亭小似船六橋風月友三賢芙蓉未發荷花老
一點詩情若個邊

旅中示同輩

與君同出已多時費盡黃金典盡衣只待春江烟浪暖
小舟先起白鷗歸

清曉

清曉輕傳一信風花添紅粉草添茸畫樓十二欄干曲

春在珠簾第幾重

筍

泥中莫怪出頭遲
歷盡冰霜祇自知
昨夜震雷轟渭畝
請君來此化龍枝

過垂虹

垂虹橋下水連天
一帶青山落照邊
三十六陂烟浦冷
鷺鷥飛上釣魚船

吳蠶

正是吳蠶出火時
交交窗外一禽啼
溪西有葉高難採
遙見青裙上竹梯

效香奩體

雲幙重重雨未收
嫩寒先到玉簾鉤
一杯晚酒無人共
羞帶雙花下小樓

木犀

露粟藏金一半開
層層碧玉映樓臺
西風昨夜吹香過
人在欄干待月來

夏日即事

野土生烟草樹焦彤彤日脚火雲燒池邊自拗青荷葉
分付山童蓋藥苗

題駱秀才葺故廬疏

家在西湖合澗橋短籬圍得數椽茅歸來頗費支撐力
羞見春風燕子巢

有別

樓上佳人唱渭城樓前楊柳識離情一聲未是難聽處

最是難聽第四聲

春詞

玉纖輕揭綉簾開
行到花前淚滿腮
正爾春心無處託
一雙蝴蝶忽飛來

有所思

曾倚空屏唱柳枝
一聲嬌逐暮雲低
重來只見流鶯在
立盡斜陽不肯啼

小園

池占方方十丈寬
已栽花木四時看
客來莫笑生涯薄
窗外新添竹數竿

為客

初秋為客暮秋歸
一擔輕囊半是詩
試問客情何處惡
五更孤店酒醒時

東風

和徹詩篇得暫閒
落梅香裡立欄干
新裁白紵春衫薄
猶怯東風一陣寒

有所見

不着畫羅金縷衣尋常打扮最相宜
春風燕子樓前過
飄落梨花雪一枝

曉窗

桃花落盡李花殘
女伴相期看牡丹
二十四番花信後
曉窗猶帶幾分寒

居家

居家到底勝居官
啼鳥聲中晝掩關
待得小園花落盡

更須移酒對青山

採蓮曲

採蓮時節嬾勻粧
日到波心撥棹忙
莫向荷花深處去
荷花深處有鴛鴦

盆中四時木犀

一樹婆娑月裡栽
是誰移種下天來
金英恰似清霄月
一度圓時一度開

相思

二月春風楊柳青
聞郎繫馬到長亭
相思情味如中酒
折盡梨花喚不醒

江上有感

江上秋深客未歸
荻花楓葉兩依依
傷心最是長橋路
落日西風一雁飛

見梅

雲遠前岡水遶村
忽驚空谷有佳人
天寒日暮吹香去
盡是冰霜不是春

舟中偶成

黃帽招呼急下船
天明僅可過涵山
朦朧一枕梅花夢
猶在寒牕紙帳間

題臨安僦樓

過了燒燈望燕歸
春寒剗地勒芳期
杏花深巷無人賣
細雨空簾盡日垂

粉蝶

宿粉棲香樂最深
暫依芳草避春禽
晚來風起還無定

舞入梨花何處尋

活計

三間茅屋蓋頭顱除却吟篇事事無擬把十年窮活計
一時傾倒向江湖

無愁

世間惟我最無愁纔是無愁得自由午睡覺來門半掩
一池春水看魚遊

春陰

欽定四庫全書

兩宋名賢小集
卷二百八十九

七

密雨流酥入翠苔
春陰日日鎖樓臺
女郎未有尋芳約
辜負櫻桃一半開

老翁

八十昂藏一老翁
得錢長是醉春風
杏花村酒家家好
莫向橋邊問牧童

清明

踏歌搥鼓近清明
小雨霏霏欲弄晴
喚起十年心上事
春風樓下賣花聲

杜鵑

君若思歸可便歸故鄉祇在錦城西不知何事留君佳
却向空山日夜啼

贈友人

我向詩中為活計君於酒裡作生涯世間樂事惟詩酒
各自風流占一家

簾

半窳香波護曲欄纈花紅映玉鉤閒曉來幾陣輕風過

時見溪南罨畫山

碧桃

玉仙同駕玉鸞飛
天上曾攀帶露枝
一片不知何處落
曉來流到湧金池

芍藥

金藥絲頭茜染成
五雲樓映玉盤傾
謝郎一入中書後
二十四橋空月明

傷春

荷葉初浮水上錢
柳花飄盡岸頭綿
不知春色歸何處
欲向空山問杜鵑

效無題體

玉釵風斷扇雲深
砌冷簾空月易沉
流水落花無處問
一年春事一年心

兩宋名賢小集卷二百八十九